

0/0 Me.

Ad Librum.

Sis licet antiqua facie, morosaque
monstres

Ora: tamen te non serinia blanda
pavent.

*

*

*

Ipsa die Natali suo
Bibliotheca nostrae Scholasticae
hoc munus

offert

M. Bathasar Hoffmann
Rector et Biblioth. Praef.

Martisburgi d. III. Dec. MDCCCL.

126. 209

Warnung

Von wegen einer scharteken Bilibalds
Ramsbock / darin er viel A diaphoristi=
scher irriger lere vnd lesterung aus=
schüttet / vnd sehr vielen Ste=
ten vnd gemeinen / mit ver=
enderung der titel
auffdringet.

Durch M. Johannem Wigan=
dum / vnd M. Mattheum Judicem.

S hat einer mit namen Ramsbock / bereit
für einem jahre / ein gross buch von gangen drithal-
ben bogen / mit grosser weysheit vnd sehr vngereim-
ten reymen zusammen getragen / vnd lassen drücken /
darinnen er die jenen / welche die Interimistischen vnd
Adiaphoristischen felle vnd verfelschung / aus Gottes wort
vnd zu nöziger erhaltung der reinen warheit / gestrafft / weidlich
zerhacket / beleuget / vnd mit lesterischen namen ausruffet.
Solch gross Buch / hat er vnzelich viel Stetten hin vnd wider
in Deudtschlandt / diss ganze jahrlang zu geschickt / vnd alle
wege den titel vorher lassen endern / damit ers an sehr viel ör-
ter weit vnd breit möchte vbersenden / vnd steht darauff / Wit-
temberg.

Nun thut er solches erstlich vmb der vrsachen willen /
das er aus vielen orten / eine parteken möge erhaschen / Darumb
ist das schartecklin seine Klapperheyen / die er wie ein Sünder /
siecher / an viel Stette verschickt / vnd ligt der Drucker mit jme
vnter einer Decke / vnd macht dem armen Vilipaldo seine
Klapperheyen / davon er auch seine parteken hat / Darnach auch
darumb / wie er im gedruckten Briue schreibet / das er die
Stette versuchen wil / ob sie auch die Adiaphoristischen Sün-
den vnd verfelschunge / loben vnd ihnen gefallen lassen.

Was nun dieses schartecklin belanget / solte es billich ei-
nen jamern / denn der arme Scribent / wil von den wolthaten
Christi schreiben / vnd fellet doch bald vom wege ab auff perso-
nen / vnd macht ein gewliche Inuectiua oder Schmeeschrifte
wider die / so da jrthumb gestrafft / vnd vermanet haben / bey
der erkanten vnd bekanten warheit zu bleiben / vnd die verglei-
chung mit dem offenbarten Antichrist zu fliehen. Gehet im ders-
halben eben wie jenem / der fragte / wo gehet der weg hinaus /
vnd der ander antwort / Ich sitze hie vnd neme spechte auß / etc.

Zum andern / seine beste Blumen vnd schönste farben
in der schrifte / sind mehrlin / vnd sonderlich / wie die Meuse
haben eine Kaze gebraten.

Zum

Zum dritten schilt er gewlich / das die senn / welche die Interimistischen vnd Adiaphoristischen Sünden vnd verfälschung / aus Gottes wort haben gestrafft / ketzerische lere führen / vnd beweiset nicht das geringste / wie er dann aus keinen beständigen reden oder schriften das thun kan / vnd das ist jzt den Neministen frey / vnd jre beste kunst.

Zum vierden / setzet der arme mensch selbst / etliche öffentliche irthumb / als im gedruckten brieffe / das das Euangelium tödte vnd lebendig mache / so doch dem Gesetz das tödten / vnd dem Euangelio das lebendig machen / in Gottes wort wirdt zu gecignet / Item im tractetlin / das gute werck die seligkeit behalten / welches doch Petrus dem glauben zuschreibet / vnd ist solches durch etliche schriften widerleget worden / Item das die heilige schrift den neuen gehorsam der gleubigen rhüme / das in Gott für eine vollkommene erfüllung des ganzen Gesetzes rechne vnd annehme. Welches vnrecht ist / denn ob jm wol Gott der gleubigen angefangenen gehorsam lesset wolgefallen / vnd jm belohnet / jedoch so wird er nicht für eine vollkommene erfüllung des ganzen Gesetzes / wie Ramesbeck saget / gerechnet / Denn solches were der erfüllung Christi / die er an vnser Stat gethan / zu nahe / vnd sticket darhinder der knotte / das auch der neue gehorsam / sampt dem verdienst Christi / sey vnser gerechtigkeit für Gott / wie etliche für geben. Also versteiget man sich mit solchen freuelhafftigen schriften.

Zum fünfften / macht er sich schuldig aller Adiaphoristischen Sünden / in den Interimistischen handlungen begangen / vnd schendet Gottes werck / welcher grosse felle vnd nicht geringe verfälschung gestraffet. Es ist nicht eine geringe lesterunge / das er saget / diss theil habe das Papsthumb gestercket / vnd am glauben die leute verhindert / Lieber Gott / wil man sich dann schier lernen schemen. Die Adiaphoristen haben geschriben / je neher dem Papst je besser / haben vergleichung mit dem Papst gerathen / wie jre eigene werck vnd bücher zeugen / Aber

das ander theil / hat widerraten / man sol sich nicht mit dem Antichrist vergleichen / sondern bey erkantter warheit bleiben & Lieber / wer hat dann mehr das Bapsthumb gestercket & brauche doch menschen wize dazu. Die Adiaphoristen haben die lehr / nach des Bapsts munde gedenet vnd gemartert / als würde man Fürnemlich durch glauben selig / als seyen gute werck zur seligkeit nötig / etc. Dagegen das ander theil gewarnet / man sol bey der Augspurgischen Bekenntnis bleiben / vnd solche falsche lehre des Antichrists fliehen vnd meiden. Lieber / wer hat den gehindert vnd irre gemacht armer leute glauber & Aber davon sind vnser schrifftten vorhanden / die noch nicht widerleget sind.

Derwegen weil dieser arme ehrfüchtige mensche / so vnverschempft herum fladdert / vnd seine klapperheien Erbarn Steten vnd gemeinen / wider iren willen vnd danck auffdringet / mauset auch vnter vnsern bencken / so warnen wir alle Christliche / Erbare / redliche Stete vnd gemeinen / sie wollen solches schartecklein nicht annemen / noch jnen gefallen lassen / noch belohnen / aus denen vrsachen.

Denn fürs erste / tritt er mit dem vnnützen schartecklin / vnd darzu mit etlichen irrigen vnd falschen leren zu den Steten / sie zuuersuchen / Matth. iij. ob sie auch Sünde vnd verfälschung loben wollen / vnd ob auch das Interimistische vnkraut / des er ein Patron ist / bey jnen auffgangen sey.

Fürs ander / Weil Ramsbock grobe irthumb auswirfft / wie oben angezeiget / so machen die sich seiner lesterung schuldig / die jme darumb lobnen / oder dancken / oder mit dem geringsten einen freundlichen willen erzeigen. Das ist fürwar nicht ein kleine Sünde / denn es ist ernstlich verbotten / Du solt nicht falsch gezeugnis geben / das gute vnd nicht das böse / sol geehret werde.

Fürs dritte / Wenn Erbare Stete vnd leute solche lester / schrifftlin annemen / loben vnd belohnen / so geben sie andern leichtfertigen leuten mehr vrsache / vnter irem namē vnd schutz /
vnschul

unschuldige personen vnd rechte sachen / one grundt vnd be-
weis / zu lestern / das kan für Gott nicht verantwort werden.

Fürs vierde / beslecken solche Holhipler / Christliche Stes-
te viel mehr / denn sie dieselben ehren. Denn die solche schriften
lesen / meinen / eine ganze Christliche Stat hange solchen irthum
men an.

Diese warnung thun wir Christlicher meinung / nicht
vmb des Ramsbocks willen / der auff seiner geigen / wie zu bes-
sorgen / bleiben wirdt / sondern ehrlichen vnd auffrichtigen
Christen zu gute / die mit solchen lesterschriften vberleitet wer-
den / ehe sie des irrgeists darinnen gewahr werden / vnd sonder-
lich auch / weil er nicht auffhöret / an allerley örter seine klap-
perheie zu schicken. Wer nun solcher warnung brauchen wil /
der thue es / wer nicht wil / der verantworte es für Gott.

Es solten billich auch die auff hohen schulen sind / nicht
gestatten / das vnuerschempfte leute / mit solchen irrigen schriff-
ten die Landt aus bettelten / vnd das die Buchdrucker zu sol-
cher klapperheyen hülffen.

Damit aber jederman sehen müge / wie man gegen solche
Schleicher vnd irre Gladderschrift sich erzeigen sol / wollen wir
eine schrift / dem gemelten Ramsbock von einer Erbarn Stat
zu gesand / zu ehereu hieran setzen.

Dem wolgelarten W. Dilipaldo

Ramsbock von Weissenburg
vnsern guten freunde.

In sere dienste zuuor / Wolgelarter guter freun-
de / wir haben ewr Deudtsche Rythmos / so jr vns vn-
ser einem grossen titel dedicirt / sampt darbey gebundenen
rapsodien vnd famos libellis / entpfangen / vnd der

21 iij

wirden

wirden nicht geachtet / das wir die nach der lenge durch lesen
hätten / hielten auch dafür / jr köndet ewer arbeit / die ihr an
solch gewesch gewendet / zu andern nötigen sachen / wol ge-
braucht haben / doch möchten wir zu letzt euch vnd ewers glei-
chen Schreibsüchtigen starcken Meistern / ire kurzweil vnd
vbung wol gönnen / wenn jr bey vertolmetschung der Sabeln
Aesopi / oder dergleichen materien bliebet / vnd die schwere Con-
trouersias Theologicas / (die euch vnser bedünckens / noch zur
zeit viel zu hoch sind) nicht angriffet / noch euch vnderstündet /
Das hochschedliche feur der spaltung / so leider innerhalb wenig
verrückten jaren / in den Kirchen dieser lande / zwischen den geler-
ten eingerissen / noch ferner auffzublasen / vnd der gelerten ge-
zencf vnter vnserm namen / zu letzt auch in die Bierbenck vnd
Barbirstuben / zu grösserer verwirrung des gemeinen mannes /
vnd zurrüttung der heiligen Christlichen Kirchen / auszubreis-
ten. Dieweil wir aber zu solchem Haderwerck vnd Holzhipeln /
gar keine sinne noch lust gehabt oder noch haben / auch nicht be-
dencken kunden / was die vnformliche schandreymen vnd Lums-
penschafft / für nutz oder frucht in der Christlichen Kirchen /
oder auch in weltlichen regimenten schaffen können / schicken
wir euch ewr schartecken hiebey verwart widerumb zu / mit bitt /
jr woldet vns hinfurder solchs dedicirens / gantzlich vbrigen /
vnd die wege treffen / das die Exemplaria / so vnter vnserm ti-
tel etwan ausgestrewet / vnd vnter die leute gebracht sein / wis-
derumb zusammen kommen / vnd beygeschafft werden mögen /
dann wir nicht gemeinet sein / vns der gestalt in die beschwer-
lichen Controuersien mengen zu lassen / vnd vnser Kirchen / wel-
che durch gnedige verleihung des Almechtigen / vnd guter trewe-
en einhelligen vleiss vnser Christlichen Superattendenten vnd
Seelsorger / die Gott lob an rechtschaffener lehr vnd verma-
nung / nichts mangeln noch erwynden lassen / bey der erkanten
warheit des reinen vnuerfelschten Göttlichen worts / wie das
der Heilige trewe Man Gottes D. Martinus Lutherus / bis
an sein

an sein ende bestendiglich gelehret/bisshier eintrechtiglich erhalten
ten vnd blieben sein / auch nochmals an ewre verwarnung vnd
Rythmos / wils Gott / wol bleiben werden / durch solche
Glyckschriefft vnruwig zu machen / Solt es aber nicht geschehen/
so werden wir auff andere wege zu gedenccken / nicht vmb
gehn künden / welches wir euch / vnser gelegenheit vnd not
turfft nach/ vnangezeigt nicht lassen möchten / sein euch sonst
günstigen willen zuerzeigen nicht vngeneigt. Datum
vnter vnser Stat auffgedrückten siegeln/
Montags nach Inuocavit
Anno / etc. Lix.
M. M.

Zettel.

Ewren Boten haben wir hieher nicht bescheyden / hetten
auch seiner ankunfft wol entberen mögen / Darumb ist in
alhie kein lohn worden.



Faint, illegible text, likely bleed-through from the reverse side of the page.

Faint, illegible text, likely bleed-through from the reverse side of the page.





E St.

F
I



P.
IP

Monat


150 M


AB: 154378

ULB Halle 3
004 196 686



Sb.





Warnung

Von wegen einer scharteken Bilibalds
Ramsbock / darin er viel Adiaphoristi-
scher irriger lere vnd lesterung aus-
schüttet / vnd sehr vielen Ste-
ten vnd gemeinen / mit ver-
enderung der titel
auffdringet.

Durch M. Johannem Wigan-
dum / vnd M. Mattheum Judicem.

